

اداره مخصوصه

درسعادته ياب عالی جاده سنده

محل اداره :

مُشَاطَقَةُ

۱۳۲۶

اخطار :

مسلكمزه موافق آثار جديده مع المنويه

قبول اولنور

درج ابدله بن آثار اعاده اولنور

دين ، فلسفه ، ادبيات ، حقوق و علوم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

سنه اسکی التي آیلنی

۶۰ ۳۰

درسعادته

۸۰ ۴۰

ولایاتده

۸۰ ۴۰

ممالك اجنبیه ده

تاریخ تأسیسی

۱۰ تموز ۳۲۴

درسعادته نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

درسعادته پوسته ایله کوندریلیرسه ولایات بدلی اخذ اولنور

ایکنجی جلد

۵ رجب ۳۲۷ پنجشنبه ۹ تموز ۳۲۵

عدد : ۴۶

برقشله واردر . نور عثمانیه جامع شریفندن کو چورك بولسان بر معبد شیرین بك مصنع و داخلاً و خارجاً بك مزین اولوب حقیقه نظر ربادر اوج جهندن حریمه جامعی قوجاقلایه رق بك واسع اولان حولی سودکی بیاض مرمر طاشاریله مفروش و اطراف ثلاثه سی دائر امداد حجره لرله محاطدر . جامعك بانسی ، پوناپارت کبی بر جهانگیری عکا اوکنده مغلوب ایدوب نهایت فراره مجبور قیلان جزار احمد پاشادر . [مابعدی وار]

برکت زاده اسماعیل حق

حدیث فکریه

جواباً دیرزکه : انسانك لمس ایلدیکی مادیاتك ماوراسنده بر طاقم حقائق اولدیغنی اكلامسی ، افعال واشیا آره سنده کی خیر و شری ، قبیح و جمالی تمیز ایللمسی ، بوتون حرکات و سکناتنه حاکم اوله حق بر قانون اخلاقینك لزومی حس ایتمی اویله برهان حسیدن محروم دعوی مجرد قیلندن دکلدر . زیرا بو حال حیوانیت ایلله انسانیت آیران اك باشلی میزادن اولدقدن باشقه بونی تأیید ایدن ایکی دلیل تاریخی ده واردر .

انسان نظر تحریسی اعصار سالفه انسانیتدن هانکیسنه طوغرو ارجاع ایدرسه ایتسون ، دینسر برامته تصادف ایده مر . دین ایه ، ایضاحه حاجت یوقدرکه ، نه قدر بسیط اولورسه اولسون ، انسانده محسوساتك ماوراسنده بر حقیقت اولدیغنی اکلایه حق ، ای ایلله فانك ، خیر ایلله شرک بینی تمیز ایده جك بر حس بولمنسی استلزام ایدر . ایشه بزم قانون اخلاقی نامنی ویردیكمز اساس ده شبهه یوقدرکه . بو حس و تمیز اوزرینه قورولمشدر .

شونیه اونوتما ملیزکه بوندن ادیانك بوتون فروعی حقائق مطلقه نك تا قلبنه اصابت ایتك لازم کلز . مع مافیه بوده وجودی بیلدیرن حس و تمیزك فطرت انسانیه لوازمندن اولدیغنی تیقنه مانع دکلدر . چونکه بر حس و تمیزدن تجرید اولورسه انسانك حیواندن نه فرقی قالیر ؟

انسان اجمال و تفصیلی کندنجبه مجهول اولان بر عالمدن ، آنجق کندی حواس ضعیفه نك مساعده سی نسبتده کوروب اکلایه بیلله . جکی ، برعالمه آتیلمشدر . نظرینی هانکی جهته عطف ایدرسه ایتسون ، بر یغین مجهولاتدن باشقه برشی کوره مزکه . لحاظه تجسسنی اولنرک ایلرینه سوق ایلهمك ایستسه حواسنك حیرتی بر قات دها آرتدیره جق ، وجدانی یأسر ، هيجانلر ایچنده براقه جق دیگر بر جوق مجهولاته تصادف ایدر .

محاط اولدیغنی سرأرک اوزرنده کی برده بی قالدیرمق ، دها طو- غروسی غذا و مسکن حاضر لایه رق بر صورتله کندیسنی هر طرفدن

سنه ۹۰ تاریخیه ضبطیه مشیریت جلیله سندن شرفوارد اولان تحریرات علیه ده اشعار بیورلمقدن ناشی کیفیت دیوان تمیز ولایتیه لدی الحواله موخی الیه مانك نفیرینی متضمن اولجه شرفوارد اولان امرعالی تحریرات سامیه نك مشیریت موخی الیه ایه اعاده سیله قلعه بند ایدلملرینی متضمن امرعالی اخیرك صورت مستخرجه سنك اقیله کیفیتك صوب والارینه اشعاری لزومی دیوان مد کوزدن باتد کره افاده اولمش اولوجهله ایجابی اجرا و مذکور امرعالی صورتی لفاً اسرا قلمش اولمغه بر موجب امر عالی ایقای مقتضاسنه همت ایللملری سیاقده شقه تحریر قلندی . فی ۸ ربیع الاول سنه ۹۰ وفی ۲۳ نisan سنه ۸۹

امضا : محمد حالت

قلعه دروننه چیققدن صکره علی الاصول بزى قلعه قوجیسنه ارانه ایتدیلر . بونك اوزرینه قلعه دروننده بر خانه استیجار ایتدك ؛ اوطه مزك نکاشته صحیفه بیان اولان تجملاتی خانه نك براوطه سنه نقل ایدلدی ؛ صکره نواقصمزی بیانی اکمال ایتدك .

متصرف بك افندی ، ارکان لوا . امرای عسکریه ، معتبران اهالی فوج فوج زیارت مزه کلدیلر بزده اعاده زیارت ایتمکه برابر هرکس ایلله اختلاط و قلعه دروننده هریره کیدوب کلمکه باشلادق . متصرف افندی بزده مکمل بر ضیافت ویردی ؛ دها بشقه لطفلرینی ده کوردك . بر مدت بویله کچدی . دها صکره لری اقشام اوستلری اهالی ایلله برابر قلعه خارچنده دکنز قیسنجه « شم الهوی » یه یعنی تنزهه چیقاردق بمضاً خارج سورده یارم ساعت مسافده لطافتی و موقع تاریخی اعتباریله محلیجه شهرت المش اولان عبده پاشا باغچه سنه کاهی شهره ایکی ساعتك مسافده واقع اولوب لیون و پورتقال باغچه لرینی احتوا ایدن « مزرعه » نام موقعنده اره صره اوج ساعتك مسافده بولان حیفاقصبه سنه کچه یاتیسنه کتدی کمز بیلله اولوردی . حاصلی سورك داخلنده خارچنده سربست سربست کزردك . قلعه قوسندن ایلاک چقشمزده اختیار قوجی بزى طایماز ظنیله قلعه ظابطندن کندیسنه امر تبایغ ایتدیرلمسنه لزوم کورمك ایه ده قوجه نکه بان بزى اویله طانیسدی ، اویله اوزرینه آتلدی که بر آدم ایلویه اتمق قابل اوله مدی . موقع عائدندن ویریلن امر اوزرینه کیری چکلدی ، بردها ایلشمز اولدی .

فرانسزجه : « saint - jean - d'acre » دیه بنام اولان [عکا] ویا [عکا] شهری کاملاً سور ایچنده بولندیغندن خانه لری بك صیق وبری برینه بك ملاصقدر . سورك محیطی تقریباً یکرمی یکرمی بش دقیقه طولاشیله بیلور . اهالیسی : ۷۸۲۵ نفوسدن اون بیکه قدر تخمین اولنیور .

زققلری عربستانك اسکی شهرلرنده اولدیغنی اوزره اوج بحق درت ارشون عرضنده اوله رق غایت طار و لطافتدن عاریدر . خانه لرا کیردر سفائن جسیمه دخولنه مساعد لیان واریسه ده مدت مدیده تطهیر ایدلدیکندن شمعی دروننده انجق کوچك قایقار بارینه بیلنمکده در . مبانی عالیه دن جزار جامع شریفی ایلله جوارنده برحام و غایت جسیم

فطنت کوشلری مشارق عالیہ سندن اشراقہ باشلادی. اگر بوقدر کیرودار اولماسه یدی انسانده حیوانات سائرہ میاننده قاهره درجات کلاک ال واپسینی بیله بوله مازدی.

شئون حیاتیہ و قوف خصوصنده ناسک ال ایلیسینده بولان، معاملات و مطالباتک صوکنی ال طوغرو برنظرله کورن، ذاتنده مندمج حقائقه نسبتله ال زیاده اطلاعی اولان بر آدم کوسترک که مصائب و آلامه دیگر لرندن زیاده هدف اولماسون؟ کویاکه عقل مصیبتله الک اتحادندن متولددرده اونک ایچون الی الابد بویکی والد مهربانک سینہ سده پرورشیاپ اولور کیدر.

انسان نفسی طانیق، موجودیتی اورتن پرده کشنی آچهرق حقیقی کورمک تهالکیندهدر. خصوصیه نفسی کندنجه هرشیدن مقدس حیاتی ایسه هرشیدن معزدر. انسان عالم طبیعتک هیئت موجوده سنه باقنجه حیاتک صورت دائمه ده مظهر تجدد اولدیقنی، انواع ذوی الحیاتک بر طرفدن نحو اوله رق دیگر طرفدن یکیدن ظهوره کلدیکی کورور. لکن اجزای طبیعتی نظر امعانه آلتجه منظره هول انکیز بر حال اخذ ایدر!

زیرا کوررکه کرداب عدم آغزینی آله بیلدیکنه آچش، طبیعتک بوعلمده کی وظیفه سنی اکال ایتش اولان اجزاسنی برر برر یوتیور، هر موجودک عاقبتی بویله اولبور ایشته بوفجیع صحنه ک قارشینده انسان قورقوسندن بایلمق درجه سنه کلیر، صوکره کندی کندی شویوله حسب حال ایدر: عجبا بنده بو کرداب مظلمه آتیمه یه محکوم اولانلر میاننده مییم؟ بوقدر ذوق سوروب بوقدر الم چکدکن، بونجه زمان صفای عافیتی، بلای مرضی کوردکن، مصائبک، شدائدک زهردن ده آجیلرینی یوتدقن صوکره بنده نهایت شو جامد طاش پارچه سی، شو حس سز حیوان کی می اوله جفم؟

ایشته هر قلبی اشغال ایدن، هر فکری یأس ایچنده براقان بو حسب حال لردر که سیای بشری بر حزن دائمی ایچنده کوستر؛ انسانی، کاشکه دنیایه هیچ کیه یدم! تمیسنده بولوندر. لکن ینه بو حسب حال لردر که بشری کندیسنه رغماً سر حیاتی ادراک ایچون معرفت ذاته سوق ایدر طورور.

معرفت ذاتک محدود بر صورتندن باشقه سنی محال کورن انسان او یله بر حده کانه، بر موفقیته ظفریاب اولنجه طور یجیلردن دکلدرد. چالیشیر، جابالار، ایجاد ایدر. لکن رحیق ظفرله نشوهار اوله رق «علمدن آرتق نصیبی آلم.» دیمه یه قالمه دن، قارشینده کندیسنه طوغرو باقان واکا دهشت القا ایدن بر مجهول ده کورور. حتی چوق کچمز، بیلورم ظن ایتدیکی شیده ده بر، بلکه بر چوق بیلمدیکی رلر اولدیقنی اکلار.

ای اما انسان ایچون کثافت جسمانیه سندن صیریلهرق، یا خود نفسک ایکی اوموزینه باصوب یوکسلهرک وجه حقیقی نظرندن ستر ایتکده اولان حائل آشوق نصل ممکن اولور؟ ایشته انسانک معقولاته نظر آحالی بوندن عبارتدر. لذا ذواذواقه

قوشادوب کاه صوغوغیله، کاه صیجایله، بر کره حیواناتیله، دیگر دفته نباتاتیله، بوکون دکزلریله دره لریله، یارین طاغریله تبه لریله، صورت دائمه ده ایسه وجوده کتیردیکی اجزاسیله، عناصریله، الحاصل نامتناهی وسائل تعرضیله اوزرینه هجوم ایتکده اولان مؤثرات طبیعت قارشی انسان کندیسنده بر سلاح مداومه ایجاد ایتک ملک سنی کورور.

ایشته اوزمان کندیسنی دافی اولیان ایکی قوتلی حرکت آره. سنده بولورکه اولکیسی خارجدن داخله، ایکنجیسی داخلدن خارجه در. برنجی حرکت محاط اولدیغنی اشیانک وساطت حواس ایله کندی اوزرنده کی تأثیری، ایکنجی حرکت ایسه روحک وساطت اختیار ایله او اشیای محیطه اوزرنده کی آثاریدر.

بو حالک سوقیله طبیعت ایله انسان آره سنده بر حرب دائمیدر میدان آلدی. طبیعت کندی اردولرینه دونوب، او الک یوجه طاغری برندن اویناده جق، قوجه قوجه دکزلری جوشه کتیره جک، بولو طبرک سینہ سنده کی ییلدیرملری دهشتندن اسفل السافلین زمینه کچیره جک بر هیبتله ندا ایتدی؛ بوتون مؤثراتنه قارشی ده: شو مخلوقی ازیمه، اوت، ظاهر اضعیف، فقط باطناً قوی اولان، معظمت امور ی دوش تحملنه آلان، هجومنده شدت کوسترن، بنم عظمتی کندی آمالنه خادم ایتک ایسته بن، قوتی حکمسنز براقیه، مقام بلندیمی تذلیل اتمه یه قالدیشان شو مخلوقی نحو ایلیمه یه حاضر اولک! امرینی ویردی.

انسانه کلنجه، جسمانیته ک بوتون ذراتنه قدر تأثیر ایدرک وجدانی دهشت ایچنده براقان برندای مهیدن کندیسیله طبیعتک باشقه باشقه شیر اولدیغنی اکلادی؛ اگر بویله اولمایوب اوده طبیعتدن برجزه اوله یدی بومدهش مخاصمه یه محل قالمایهرق کندیسنک مکونات سائره کی سایه طبیعتده آرامکیزن اولسی لازم کله جکنی او کندی. ایشته بو ادراک انسانی کندیسنه رغماً نفسنده مستقل اولمایه، نفسی ایجه تأمل اتمه یه سوق ایلدی. ذاتی و بوتون آمالنی تفکره میل ایتدیردی. ده صوکره ینه او ادراک بی نهایت مطالبی آرقه سده قوشارکه هر طرفدن محاط اولدیغنی سهام طبیعتده هدف اولماسی ایچون انسانی آمال و تمایلاتنه حاکم اوله جق، افعاله قارشی تنقید یوروده جک بر حاله کتیردی.

کویاکه آرتق انسان کندیسنی ایکی موجودیتدن مرکب کور یوردی بری آمال و مطالباتک آرقه سنده طولاشهرق اونلره ظفریاب اولسنی تأمین ایدیور؛ دیگر ایسه انسانی مطالباتک پینده بلا احتیاط قوشمقدن آلیقویهرق، حیاتک هر آنی تهدید ایتکده اولان خطر محیطی کندیسنه کوستریوردی.

ایشته بویکی عامل خفیدن طولانی ضمیر انسانیده بر حرب داخلیدر بارلادی که بونک یاننده اوتکی حرب خارجینک هیچ اهمیتی یوقدی، صوکره بو حرب داخلی انسانک بوتون آلام و شکوکنه، بوتون اندیشه لرینه، خاطر لرین سبب اولدی. مع مافیه صرف بو انفعالاتک تأثیریه انوار عقل شو طبیعت کشفه ظلمت لرندن قورتولدی، ذکا،

شیمی نفسمزده مرارت حیاته مقاومت قوتنی محافظه ایچون تفکر دنی و از کجملی یز ، یوقسه خصیصه تفکری محافظه ایچون آلام موته می قاتلاملی یز ؟

ایشته بوتون بو حالات متعاکسه قلییه دن ، بو قدر محن وجدانییه دن بو محبه مصائب خفیه دن انسانده حس دینی او یانمقده درکه زمان فلاکتده تسلیتسار اوله جق ، هنگام اضطرار بند صبر و سکون و یرم جک یار غمکساری انجق بو حسدن عبارتدر . حس دینی نك بواهمیتی ایسه مسئله حیاتی اوله نظری و مبهم برطرزده دکل ، بلکه عملی و غایت واضح بر صورتده حل ایتسندندر . اوت ، واقعا حس تدین انسانه یکی بر طاقم معلومات القا ایتز ؛ لکن اوزون زمانلر وادی ضلال و حیرتده طولاشمش ایکن اونی کندینه کتیرر ، موجودیت اصلیه سنه ارجاع ایدر .

نفسك تدینك آرقه سندن آتیلیمی ؛ اوكا التجا ایتیمی اوله بوش یرم آتیلیمق ، دامن خیاله صاریلمق قیلندن دکلدر . بو حال انسانك طبیعتك لازمی ، موجودیتك غیر مفارقی اولان برحسه مستنددرکه اوده بو عالم دهشت انکیزك صدماتنه ، بو کون مهیک تندباد انقلابانه قارشی انسانك متین براسنادگاهه احتیاجی حقنده کی حس طبیعی سیدر . ایچمزده کیم وارددرکه موجودیتی تهدید ایتمکده اولان الك اوافق برخطرک و قوعنده برالتجاکاهه محتاج اولدیغنی آکلامسون ؟ ایچمزده کیم وارددرکه شوقه زرقای سمایه باقسون ، اومدهش نامتناهی کی تأمل ایتسونده رعشه دارخشیت اولماسون ؟ ایچمزده کیم وارددرکه برطرفدن مخلوقات درین بر خواب سکون ایچنده بولسون ؛ دیگر طرفدن سما آله بیلدیکنه قارارسون ، بولوطلر بربری اوزرینه بیقیله رق کشیف کتله لر حصوله کتیرسون ؛ برقلر چاقسون ، ردلر کورلسونده او بویله بر کیجهده قورقو ایچنده قالماسون ؟ یاخود ایچمزده کیم وارددرکه کونك برنده ، همه حال اوله جکفی دوشوندکجه هیجانه دوشمسون و او هیجان پنجه موت کندیسنه طوغرو اوزاندینی زمان بردست رها کار آرامیه اونی بلا اختیار سوق ایتسون !

ایشته بویله براسنادگاهه احتیاج حس طبیعیسی اوقاعده قویه محسوسه درکه کونك مکنونی اولان مبدع حکیم ایله اونك قوای غیر محدودی حقنده کی اعتقاد . . . یاخود تمییزده برازده تنزلی قبول ایدرسه کز شویلهده دیه بیلیرسکنز : هر ذرده تأثیری مشهود اولان ، زتون کائنات اوزرنده اجرای سیادت ایدن شوقه عظمی حقنده کی اعتقاد هب اواساس متین اوزرینه ایتنا ایدر .

محمد فرید وجدی

محمد عاکف

کلنجه اودها نحوست آکندر . بیچاره پی کورورسکزکه ذوق و صفا خیال ایلدیکی برغایت طوغرو قوشار قوشارده عاقبت انه ندامتدن ، تحسردن باشقه برشی کچمز ؛ قلبی المدن ، کدردن باشقه برشی کورمز . حتی انسانلر ذوق و صفا نامنی و یردکری شیرده دیده امعان ایله باقسه لر اواذواقك الك کوچوکنك بيله حیاتی محو ایتمکده ، نور انسانیتی سوندورمکده نه بیوک تأثیری اولدیغنی ، هر برینك صوکنده بر جوق تهلیکله باش کوستره جکی جهته بونلرک قطعاً التفاته دکری اولدیغنی درحال کورورلردی .

بعضیلری سعادتك عدم حصوله سبب طریق استحصالی بیلنمه . مکدر ، دیورلر . لکن بزه کلنجه متقدمیندن بعضیلریله همفکر اوله رق دیرزکه : جستجوی سعادته ایلری کیتمک دائره المی توسیع ایتمکدن باشقه بر نتیجه پی مفید دکلدر .

انسانك برده اخلاقی جهتدن اولان حاله کلنجه بو خصوصدهده اولکیلردن دها از یأس و حرمانه معروض دکلدر . کورورسکزکه بقا و موجودیتك ارکانی فضائلدن ، اسباب اضمحلالی ایسه رذائلدن عبارت اولدیغنی بیلیمکله برابر جهت خیره طوغرو اوزانمق ایستدکجه شری ذاته ملاصق و بوتون جهد و مساعیسنده لازم غیر مفارقی کورور . صوکره کندیسنه رغماً افعال ردیتهده بولمق مجبوریتده اولدیغنی زمانده قانون عدالتی آکلامش ، مدار سعادتك ایسه او قانوندن عبارت بولندیغنی یقناً ادراک ایتمش اولدیغنی ایچون کرچه سیئانه یا قلاشماز دکل ، لکن یا قلاشدینی نسبتده کندینه و بنی نوعنه قارشی ظلم ایتدیکنی کورورکه بوده یکی بر طاقم آلامه وسیله دیگر اولور !

اوحالده نوع غریب بشره ملازم اولان بونجه مکدراتدن قور - تیلیمه نك یولی نه در ؟ انسان ایچون طبیعتده کی حالات متعاکسه نك یینتی تألیف ایتک ، حیاتیله آمالک آرمسند . موافقت حصوله کتیرمک نصل قابل اوله بیلور ؟ بعضیلری خلاصک علوم طبیعی و کشفیات مادییه مربوط اولدیغنی سویلیورلر . لکن عفو بیورسونلر ! زبرا بتون مادهیه ، جسمه عائد اولان بوترقیات ، بوکشفیات روحك مصاب اولدیغنی امراضك و خامتی برقات دها آرتدیرمقدن باشقه بر نتیجه و یرمور . چونکه بونلرک میاننده روحك مشتاق اولدیغنی آرام و سکونی ولوقسماً اولسون احضار ایده جک بروا طه موجود دکل . بز بومبشده بالذات علماء مدنیقی اشهاد ایتک قدر قوتلی بر برهان کورمدمیکمز ایچون استاء سپیته نك (فلسفه دینه) سندن شوسوزلری نقل ایدیورز :

« هر یکی یازیلان اثر فلسفینك ، یاخود استادانه ترتیب ایدلمش حکایه نك عالم مطبوعاتده ظهورینی متعاقب هر طرفدن زیاده لشمکرده اولان اینن محوه یا قلاشمش حیات ایله آراق دوره شیخوخته گلش ، مزاره طوغرو ایلریله مکده اولدیغنی اکلامش اولان عالمک بر شهبق غمناکی دکلده نه در ؟